

TE WEET



8 Feb.
2026

NEDERDUITSCH HERVORMDE GEMEENTE NELSPRUIT

www.hervormdekerknelspruit.co.za

F/B: Nelspruit Hervormde gemeente

Welkom aan elkeen wat vanoggend die erediens bywoon. Mag ons Vader se stem duidelik hoor en dit ons aanspoor tot dade.

✳️ Aan ons nuwe lidmate:

Ons sal u graag by die NHK i Toonbank agter in die kerk na die erediens wil ontmoet. Kom drink gerus daarna 'n koppie tee saam met ons in ons Koffie-kuier-en-kletskamer.

EREDIENS: ds Natasha Loftus

Tema: Is jy reg?!

Groet verwelkoming aankondigings

Toetredelied

Vonkk 120 Soos 'n wildsbok

Votum en seëngroet

Lied 471 x 2 Soek allereers die
Koninkryk van God

Skrifgedeelte Matteus 25:1-13

Preek

Belydenis van geloof

Lied 209 Heer met my hele hart

Flam 214: 1-3 Here, ons sal U loof

Seën

LENTBOEKIE BESTELLINGS

Ons Lydenstydreeks skop 18 Februarie af. Ons moet dus Maandag 9 Feb ons bestellings plaas.

Die volgende hulpbronne is beskikbaar:

- Lentreis: Wys my die Weg
- Lent Groepsriglyne
- Lent Familieriglyne
- Riglyne vir Studente
- Riglyne vir tieners
- Weeklikse oordenkings vir 4 – 9 jariges.

Bestel asb vandag of Maandag 9 Feb voor 11:00 jou Lent boekie/s?



AKTIWITEITE IN DIE GEMEENTE

- 08 08:00 Koffiekuier
08:30 Erediens en Kleuterkerk
09:30 Teedrink
09:40 Kategese
- 09 09:15 Dagbestuur vergader
10 15:00 Bybelstudie
18:00 Finansvergadering
- 11 09:15 Herfsakker Bybelstudie
12 10:00 Rubicon Bybelstudie
15 08:00 Koffiekuier
08:30 Erediens en Kleuterkerk
Gemeente vergadering – begroting
09:30 Teedrink – pannekoekdag
09:40 Kategese
- 16 18:00 MM nabetraging

GASHERE BY TEESKINK:

08/02 Piet en Lourinda C; Edna Nel
15/02 Kobus, San-Marie en Rina Potgieter
Dankie vir julle gasvryheid!

LIEF EN LEED

Vandag dink ons met dankbaarheid aan:



Vandag dink ons ook aan:

- ♥ Finkie Wolmarans wie se moeder oorlede is. Ons innige meegevoel aan jou en jou geliefdes.
- ♥ Magda McGee. Dit gaan steeds nie goed met haar na die val en noodoperasie nie.
- ♥ Dit gaan beter met Sr Addie Maritz na haar heupvervanging.
- ♥ Lou Bierman het 'n prosedure ondergaan. Dit gaan goed met hom.
- ♥ Adele Hillicks was plat in die bed.
- ♥ Almal wat siek is, olik voel, eensaam, ontsteld of hartseer is. Sterkte, vertroosting of spoedige beterskap bid ons julle toe.



- 02/08 Aliana Scheepers
- 02/09 Tanzelle De Beer
- 02/09 Miche Van Zweel

- 02/09 Marla Manley
- 02/11 Adriaan Van Aarde
- 02/11 Sarie Venter**
- 02/12 Deandré Olivier
- 02/12 Debbie Van Loggerenberg
- 02/13 Francois Badenhorst
- 02/14 Nicole Faure
- 02/14 Nicole Van Tonder
- 02/14 Willie Fourie
- 02/14 Rina v d Westhuizen 70 +**

Deputate Ekumene (Binnelands) Gereformeerde Kerke in Suid-Afrika (GKSA) VERSOEK OM GESPREK (Blitspos)

Geagte broers in die geloof, Ons dink met groot waardering aan julle as medegelowiges met wie ons langer as 'n eeu en 'n half al 'n besonder noue band het. Ons is diep onder die indruk daarvan dat al drie ons kerke 'n gemeenskaplike herkoms het, dieselfde belydenisse onderskryf, en in soveel verbande al met mekaar saamgewerk het. In ons verkondiging van die evangelie van Jesus Christus deel ons 'n roeping in die wêreld wat dikwels van God vergeet, en werk ons plaaslike gemeentes (kerke) meermale baie hartlik met mekaar saam. Ons harte word warm wanneer ons aan gesamentlike ondernemings soos Bybelvertaling, godsdiensoonderrig op skool, die viering van 500 jaar sedert die Reformasie en maatskaplike dienswerk dink.

Lees verder op p4

STOEPSTORIES: by Oupa Stoep | Thursday, 29 January, 2026 | Die Hervormer, Januarie/Februarie Erediensbywoning

Ywerige Yvette van Yzerfontein vra: Beste Oupa Stoep, soos elke jaar is daar merkbaar meer mense in die eredienste, ook meer kinders wat die kategese bywoon. Wat kan ek doen om te keer dat hulle nie stelselmatig minder word soos die jaar verloop nie?

Beste Yvette, jy worstel met iets wat 'n probleem is sedert ds Johan van Arckel in 1665 as die eerste geordende predikant in die Kaap aangekom het. Sedertdien het baie predikante, feitlik almal slimmer as Oupa, hierdie neiging probeer hokslaan – wel met min of baie min sukses. Oupa het tot die gevolgtrekking gekom dat konvensionele metodes om lidmate se erediensbywoning nie te laat taan nie, nie werk nie. 'n Meer radikale aanslag is dalk nodig.

Oupa het tot hierdie insig gekom toe hy hoor van die gebeure rondom Skip en Skop. Dié twee was neefs en het albei in 'n groterige dorp gebly. Skip was die plaaslike predikant – 'n baie gewilde predikant met 'n gemeente wat sy leiding met oorgawe gevolg het. Skop was die president van die plaaslike rugbyklub, dus ook 'n gewilde man. Die rugbyondersteuners was baie lojaal aan hul klub en teenoor hul president.

Vir lank het Skip en Skop goed saamgewerk. Skip sou tydens die afkondigings die gemeentede motiveer om die volgende Saterdag se rugbywedstryd te ondersteun. Skop sou op sy beurt ná afloop van elke wedstryd die mense op die pawiljoen oproep om die naweek op 'n gepaste wyse af te sluit deur die erediens die Sondagoggend by te woon. Skop se derde vrou was egter iemand wat nie die binnewerkinge van die dorp verstaan het nie. Sy het Skop oorreed dat 'n mens op Sondag eerder rustig moet wees en bietjie later moet slaap. 'n Hele klomp van die klub se ondersteuners het hul president se voorbeeld gevolg. Toe Skip vir Skop hieroor aanspreek, het Skop 'n hele lys redes gereed gehad om sy optrede te regverdig.

Daar was groot konsternasie toe Skip kort daarna skriftelik as kapelaan van die rugbyklub bedank. Dit was 'n posisie wat hy met groot waardigheid gevul het. Skip het die volgende redes vir sy bedanking gegee:

Al wat die rugbyklub doen, is om my geld te vat. Ek betaal maandeliks lidmaatskapsfooie en dan moet ek ook nog betaal as ek 'n wedstryd wil gaan kyk.

Die mense wat langs my op die pawiljoen sit, is nie altyd vriendelik nie. Die meeste van die tyd vroetel hul kindertjies so dat ek nie op die wedstryd kan konsentreer nie.

Die sitplekke op die pawiljoen is baie hard en ongemaklik.

Die afrigter kom besoek my nooit aan huis nie.

Die kaptein van die span neem besluite waarmee ek nie saamstem nie.

Baie van die mense in die skare is regte huigelaars. Hulle kom net om te skinder oor ander mense se kleredrag.

As daar beseringstyd is, kom ek baie laat by die huis.

Hulle speel liedjies oor die klankstelsel wat ek nie ken nie.

Die wedstryde is op die enigste dag waarop ek my inkopies kan doen.

My ouers het my gedwing om wedstryde by te woon toe ek baie jonk was.

Vandat ek 'n paar boeke oor rugby gelees het, weet ek in elk geval meer as die afrigters.

Ek gaan nie my kinders rugby toe vat nie, want ek wil hê hulle moet eendag self besluit watter sport hulle wil ondersteun.

Skip se brief en redes het Skop goed laat nadink en Skop het tot inkeer gekom. Daarna het die lidmate weer Saterdag bankvas op die pawiljoene gesit en Sondag was al die

rugbymanne en -vroue op hul plek in die erediens.

Liewe Yvette, Oupa hoop dat die les wat daar in hierdie vertelling te leer is jou kan baat om jou erediens-bywoning stabiel vir twaalf maande van die jaar te hou. Indien nie, begin 'n rugbyklub op die dorp...

Deputate Ekumene (Binnelands) Gereformeerde Kerke in Suid-Afrika (GKSA) VERSOEK OM GESPREK vervolg

Ons getuig oor dekades saam teenoor owerheid en onderdaan, ons aanbid God in dieselfde taal, ons is met bande van bloed en liefde aan mekaar verbind. Juis daarom vind ons dit hartseer dat die bande tussen ons drie kerkverbande oor die afgelope dekade of wat al lossier geword het. Sedert die gesamentlike viering van Reformasie 500 in 2017 het geen byeenkoms van die Tussenkerklike Raad (TKR) plaasgevind nie en kon enkele verteenwoordigers van die drie kerke slegs sporadies ontmoet. Die ontwrigting van die COVID-pandemie het sekerlik hierin 'n rol gespeel; ook landsomstandighede en die debatte daaroor, soos ook besluite van sinodes van ons kerke en persepsies dááror. Die GKSA se eensydige kansellering van 'n byeenkoms van die TKR op kort kennisgewing in 2025 was vir die NG Kerk en Hervormde Kerk (NHKA) 'n groot teleurstelling. Die GKSA se Deputate Ekumene (Binnelands) het gedurende 2025 afsonderlike gesprekke aangevra met die Algemene Sinode Moderamen (ASM) van die NG Kerk en die Kommissie van die Algemene Kerkvergadering (AKV) van die Hervormde Kerk (NHKA). Die NG Kerk se ASM het hulle ontmoeting met die GKSA se deputate as spanningsvol beleef, terwyl die Hervormde Kerk teleurgesteld was dat geen

verteenwoordiger van die GKSA hulle Algemene Kerkvergadering 'n maand later bygewoon het nie en daar ook geen groetboodskap van die GKSA ontvang is nie. Die NG Kerk was ook teleurgestel dat geen opvolggesprek (soos hulle versoek het) met die deputate gevoer kon word vóór die GKSA se sinode van 5 tot 10 Januarie 2026 nie, en dat dié sinode volgens berigte die ooreenkoms van samewerking tussen die GKSA en die NG Kerk opgeskort het. Hoewel die NG Kerk en die Hervormde Kerk beide genooi is om geskrewe groetboodskappe aan die GKSA se sinode te stuur, het daar nie 'n amptelike uitnodiging gekom om verteenwoordigers van ons twee kerke na die geleentheid te nooi nie. Die NG Kerk en Hervormde Kerk wil daarom vra watter implikasies hierdie verwikkelinge vir ons pad vorentoe as gereformeerde kerkfamilie in Suider-Afrika inhou, en spesifiek die besluite van die GKSA se 2026-sinode vir die voortbestaan van die TKR. Ons sal graag hieroor 'n dringende gesprek met die Deputate Ekumene van die GKSA wil voer. Dit gaan egter ook oor méér. Ons het in bogenoemde ontmoetings van albei ons kerke se moderature met die deputate van die GKSA daarvan bewus geword dat ons ingrypend van mekaar verskil oor die roeping en gawes van vroue in die Kerk van Christus, en hul teenwoordigheid, waardigheid en bydraes in kerklike ampte, leierskap en vergaderings. Ons kan nie anders as om hierdie gedeelde ervaring in verband te bring met die drastiese besluite van die GKSA se afgelope sinode oor vroue in die amp nie. Dit is duidelik dat die GKSA se besluit teen vroue in die amp in radikale kontras staan met besluite en die praktyk wat reeds dekades lank in die Hervormde Kerk

en NG Kerk geld, asook in ander gereformeerde kerke in Afrika, Nederland en in die wêreld, soos dit weer in Oktober verlede jaar by die Wêreldgemeenskap van Gereformeerde Kerke (World Communion of Reformed Churches, WCRC) se Algemene Vergadering in Chiang Mai, Thailand, bevestig is. Op hierdie punt kan die NG Kerk en die Hervormde Kerk nie anders nie as om te stel dat dit om 'n wesenlike teologiese verskil tussen ons en u 2026-Sinode gaan. Die GKSA se besluit om by 'n vorige standpunt teen vroue in die amp te volstaan en van gemeentes, leraars en lidmate volledige instemming daarmee te verwag of om hulle dan andersins as "on gehoorsaam aan Christus" en "losgemaak uit die kerkverband" te beskou, druis volgens ons in téén die Here Jesus Christus se radikale insluiting van alle mense in sy binnekring, die opmerklieke teenwoordigheid van vroue by sleutelmomente in sy lewe en bediening, en die feit dat Hy self vroue as eerste draers van die nuus van sy opstanding uitgestuur het – in teenstelling tot die waardes van sy tyd. Dit spreek volgens ons ook uit die boek Handelingte en ander geskrifte uit die vroeë Kerk, en ons vind daarom die GKSA se verwysing na enkele teksverse uit die briewe van Paulus in hierdie verband 'n verskraling van die Nuwe Testamentiese boodskap oor vroue en hul geseënde rol in die Kerk van Christus. In ons gereformeerde hermeneutiek en eksegeese is dit gemenesaak dat enige teks geïnterpreteer moet word teen die agtergrond waarbinne dit ontstaan het én die wêreld waarbinne dit tans gelees word. Deur die Skrif sáám met mekaar te lees – mans en vroue en medegelowiges in ander

gereformeerde kerke – word ons gelei tot dieper insig in die boodskap daarvan en word ons weerhou van die gevaar om tot slegs één gevolgtrekking oor die toepassing daarvan te kom. Só lei Christus ons deur sy Woord en Gees om waarlik Kerk te wees (Heidelbergse Kategismus Sondag 21, Vraag 54 en 55); méér as net 'n uitdrukking van wat elders in ons kultuur of samelewing gevestig geraak het en wat dikwels medegelowiges – in hierdie geval vroue – hul waardigheid, rol en roeping ontsê. Ons wil eerder uit ons ervaring getuig van die unieke gawes wat vroue van God ontvang het en hoe Hy hulle as getroue getuies, toegewyde eksegete en verkondigers van die Woord, luisteraars met 'n simpatieke oor en empatiese ampsdraers op 'n verskeidenheid maniere in ons kerke gebruik. Vir ons is die enigste weg om die spanning wat klaarblyklik nou hieroor tussen die GKSA en ons bestaan, te hanteer, dié van eerlike en openhartige gesprek. Ons wil mekaar sonder voorbehoud as volgelinge van Jesus Christus ag, mekaar oproep tot wedersydse respek, en ons lidmate aanmoedig om steeds met waardering en deernis in plaaslike verband saam te werk in hul getuienis oor die liefde van God vir alle mense. Ons rig hierdie versoek om gesprek tot u as Deputate Ekumene daarom ook as 'n boodskap ter bemoediging aan ons broers en susters, lidmate en leraars in die breër gereformeerde kerkfamilie in Suider-Afrika. Laat ons volhard in ons Christelike getuienis, en die kosbare verhoudings wat daar bestaan, bly koester. 2 Dit is ons opregte wens dat 'n spoedige ontmoeting met die uitgebreide Deputate Ekumene en belangrike leiersfigure in die GKSA

ons onderlinge verhoudinge met mekaar sal kan bestendig, en sien daarom uit om hieroor van u te verneem. Ons groet u as broers en susters in die Naam van ons Here, Jesus Christus. Seënwense, Dr Wouter van Wyk Sekretaris: Kommissie van die AKV Dr Nioma Venter Algemene Sekretaris: Algemene Sinode van die NG Kerk

Gebed vir die week

Hemelse Vader, Dankie dat U vir ons is, en niemand teen ons kan wees.

In u liefde is ons meer as oorwinnaars, selfs te midde van ons verliese en stryd.

Help ons om altyd u krag en teenwoordigheid te voel, sodat ons as wenners kan leef, ongeag ons omstandighede.

U liefde maak ons sterk, en ons eer U daarvoor.

Amen

boodskapvirvandag.co.za/oorwinnaar-gebed/

'n Gedig

3Stuur u lig en u waarheid;

laat dit my lei.

Laat dit my bring na u heilige berg,
na die plek waar U woon.

4Ek sal ingaan na die altaar van God,
na God,

die bron van vreugde en blydschap.

Ek sal U loof met die harp,

o God, my God!

Psalm 43: 3-4 (NLV)